




BIBLIOGRAFI RASULULLAH



Pengenalan

Pada tanggal 12 Rabiulawal setiap tahun, umat Islam seluruh dunia memperingati kelahiran Rasulullah SAW yang telah berjuang dan berkorban menyebarkan ajaran Islam kepada umat manusia yang ketika itu hidup dalam kegelapan.



Biodata Ringkas Rasulullah SAW

Nama

**Muhammad bin
Abdullah bin Abdul
Muttalib bin Hashim**

Tarikh
Lahir

**Subuh hari Isnin,
12 Rabiulawal bersamaan
20 April 571 Masihi (dikenali
sebagai Tahun Gajah; kerana
peristiwa tentera bergajah
Abraham yang menyerang
Kota Kaabah)**

Tempat
Lahir

**Di rumah Abu Thalib,
Makkah Al-
Mukarramah**

Nama
Bapa

**Abdullah bin Abdul
Muttalib bin Hashim**

Biodata Ringkas Rasulullah SAW

Nama
Ibu

Pengasuh
pertama

Ibu susu
pertama

Ibu susu
kedua

**Aminah binti Wahab
bin Abdu Manaf**

**Barakah Al-Habsyiyyah
(digelar Ummu Aiman.
Hamba perempuan
bapa Rasulullah SAW)**

**Thuwaibah (hamba
perempuan Abu Lahab)**

**Halimah binti
Abu Zuaib As-Sa'diah
(lebih dikenali Halimah
As-Sa'diah, suaminya
bernama Abu Kabsyah)**

Sejarah Ringkas Hidup Rasulullah SAW

Usia 5 Tahun

Peristiwa pembelahan dada Rasulullah SAW yang dilakukan oleh dua malaikat untuk mengeluarkan bahagian syaitan yang wujud di dalam hatinya.

Usia 6 Tahun

- Ibunya Aminah binti Wahab ditimpa sakit dan meninggal dunia di Al-Abwa ' (sebuah kampung yang terletak di antara Makkah dan Madinah).
- Baginda dipelihara oleh Ummu Aiman (hamba perempuan bapa Rasulullah SAW) dan dibiayai oleh datuknya Abdul Muttalib.

Usia 8 Tahun

- Datuknya, Abdul Muttalib pula meninggal dunia.
- Baginda dipelihara pula oleh bapa saudaranya, Abu Talib.

Sejarah Ringkas Hidup Rasulullah SAW

Usia 9 Tahun

- Bersama bapa saudaranya, Abu Talib bermusafir ke Syam atas urusan perniagaan.
- Di kota Busra, negeri Syam, seorang pendita Nasrani bernama Bahira (Buhaira) telah bertemu ketua-ketua rombongan untuk menceritakan tentang pengutusan seorang nabi di kalangan bangsa Arab yang akan lahir pada masa itu.

Usia 20 Tahun

- Terlibat dalam peperangan Fijar. Baginda menyertai peperangan itu beberapa hari dan berperanan mengumpulkan anak-anak panah sahaja.
- Menyaksikan perjanjian Al-Fudhul ; perjanjian damai untuk memberi pertolongan kepada orang yang dizalimi di Makkah.

Usia 25 Tahun

- Baginda SAW bersama-sama Abu Talib dan beberapa orang bapa saudaranya yang lain pergi berjumpa Amru bin Asad (bapa saudara Khadijah) untuk meminang Khadijah yang berusia 40 tahun ketika itu.
- Mas kahwin baginda kepada Khadijah adalah sebanyak 500 dirham.

Sejarah Ringkas Hidup Rasulullah SAW

Usia 35 Tahun

- Banjir besar melanda Makkah dan meruntuhkan dinding Kaabah.
- Pembinaan semula Kaabah dilakukan oleh pembesar-pembesar dan penduduk Makkah.
- Rasulullah SAW diberi kemuliaan untuk meletakkan 'Hajarul-Aswad' ke tempat asal dan sekaligus meredakan pertelingkahan berhubung perletakan batu tersebut.

Usia 40 Tahun

- Menerima wahyu di gua Hira' sebagai perlantikan menjadi Nabi dan Rasul akhir zaman.

Usia 53 Tahun

- Berhijrah ke Madinah Al-Munawwarah dengan ditemani oleh Saidina Abu Bakar Al-Siddiq.
- Sampai ke Madinah pada tanggal 12 Rabiulawal/ 24 September 622M.

Sejarah Ringkas Hidup Rasulullah SAW

Usia 63 Tahun

Kewafatan Rasulullah SAW di Madinah
Al-Munawwarah pada hari Isnin,
12 Rabiulawal tahun 11 Hijrah/ 8 Jun 632 Masihi.

Isteri-Isteri Rasulullah



1

**Khadijah
Binti
Khuwailid**

2

**Saudah Binti
Zam'ah**

3

**Aisyah Binti
Abu Bakar
(anak Saidina
Abu Bakar)**

4

**Hafsah binti '
Umar (anak
Saidina ' Umar
bin Al-
Khattab)**

5

**Ummi
Habibah
Binti Abu
Sufyan**

Isteri-Isteri Rasulullah



6

**Hindun Binti
Umaiyyah
(digelar Ummi
Salamah)**

7

**Zainab Binti
Jahsy**

8

**Maimunah
Binti Harith**

9

**Safiyah Binti
Huyai bin
Akhtab**

10

**Zainab Binti
Khuzaimah**

Anak-anak Rasulullah



1

Qasim

2

Abdullah

3

Ibrahim

4

Zainab

5

Ruqaiyah

6

Ummi
Kalthum

7

Fatimah
Al-Zahra '

Pesanan terakhir Rasulullah (Isi khutbah terakhir Rasulullah)

"Wahai manusia, dengarlah baik-baik apa yang hendak kukatakan, Aku tidak mengetahui apakah aku dapat bertemu lagi dengan kamu semua selepas tahun ini. Oleh itu, dengarlah dengan teliti kata-kataku ini dan sampaikanlah ia kepada orang-orang yang tidak dapat hadir disini pada hari ini.

"Wahai manusia, sepertimana kamu menganggap bulan ini dan kota ini sebagai suci, anggaplah jiwa dan harta setiap orang Muslim sebagai amanah suci. Kembalikan harta yang diamanahkan kepada kamu kepada pemiliknya yang berhak. Janganlah kamu sakiti sesiapaapun agar orang lain tidak menyakiti kamu lagi. Ingatlah bahawa sesungguhnya kamu akan menemui Tuhan kamu dan Dia pasti membuat perhitungan di atas segala amalan kamu. Allah telah mengharamkan riba, oleh itu, segala urusan yang melibatkan riba dibatalkan mulai sekarang.

"Berwaspadalah terhadap syaitan demi keselamatan agama kamu. Dia telah berputus asa untuk menyesatkan kamu dalam perkara-perkara besar, maka berjaga-jagalah supaya kamu tidak mengikutinya dalam perkara-perkara kecil.

"Wahai manusia sebagaimana kamu mempunyai hak atas isteri kamu, mereka juga mempunyai hak ke atas kamu. Sekiranya mereka menyempurnakan hak mereka ke atas kamu, maka mereka juga berhak diberikan makan dan pakaian, dalam suasana kasih sayang. Layanilah wanita-wanita kamu dengan baik dan berlemah-lembutlah terhadap mereka kerana sesungguhnya mereka adalah teman dan pembantu kamu yang setia. Dan hak kamu atas mereka ialah mereka sama sekali tidak boleh memasukkan orang yang kamu tidak sukai ke dalam rumah kamu dan dilarang melakukan zina.





Pesanan terakhir Rasulullah (Isi khutbah terakhir Rasulullah)

"Wahai manusia, dengarlah bersungguh-sungguh kata-kataku ini, sembahlah Allah, dirikanlah solat lima waktu, berpuasalah di bulan Ramadhan, dan tunaikanlah zakat dari harta kekayaan kamu. Kerjakanlah ibadah haji sekiranya kamu mampu. Ketahuilah bahawa setiap Muslim adalah saudara kepada Muslim yang lain. Kamu semua adalah sama; tidak seorang pun yang lebih mulia dari yang lainnya kecuali dalam Taqwa dan beramal soleh.

"Ingatlah, bahawa kamu akan menghadap Allah pada suatu hari untuk dipertanggungjawabkan diatas segala apa yang telah kamu kerjakan. Oleh itu, awasilah agar jangan sekali-kali kamu terkeluar dari landasan kebenaran selepas ketiadaanku.

"Wahai manusia, tidak ada lagi Nabi atau Rasul yang akan datang selepasku dan tidak akan lahir agama baru. Oleh itu wahai manusia, nilailah dengan betul dan fahamilah kata-kataku yang telah aku sampaikan kepada kamu. Sesungguhnya aku tinggalkan kepada kamu dua perkara, yang sekiranya kamu berpegang teguh dan mengikuti kedua-duanya, nescaya kamu tidak akan tersesat selama-lamanya. Itulah Al-Qur'an dan Sunnahku.

"Hendaklah orang-orang yang mendengar ucapanku, menyampaikan pula kepada orang lain. Semoga yang terakhir lebih memahami kata-kataku dari mereka yang terus mendengar dariku. Saksikanlah Ya Allah, bahawasanya telah aku sampaikan risalah-Mu kepada hamba-hamba-Mu."

Sumber

✿ <https://ecentral.my/biodata-rasulullah-nabi-muhammad/>

✿ <https://www.almukhlisin.my/biografi-dan-sejarah-nabi-muhammad-saw/>

✿ https://ms.wikipedia.org/wiki/Nabi_Muhammad



Terima Kasih

